



Sarajevo, 05.02.2025. godine

Broj: 06-06-2-139/25

Vanjskotrgovinska/Spoljnotrgovinska komora Bosne i Hercegovine (VTK/STK BiH) u okviru
Škole poslovnog pregovaranja organizira edukaciju na temu

„Priprema pregovaračkog procesa i upravljanje vremenom“

Edukacija će se održati u četvrtak i petak , 27. i 28. februara 2025. godine u prostorijama

[Vanjskotrgovinske komore Bosne i Hercegovine, ulica Branislava Đurđeva 10, Sarajevo.](#)

Edukacija će polaznicima pružiti ključne odrednice konteksta unutar kojeg radi svaki menadžer/pojedinac uz elaboraciju procesa pregovaranja kao kategorije koja podrazumijeva dinamički segment organizacijskog poslovnog algoritma svake kompanije. Polazeći od činjenice da u savremenim uvjetima poslovanja nije moguće u potpunosti eliminirati stresne situacije pred menadžere i zaposlenike se postavlja zahtjev unapređenja upravljanja pregovaračkim procesom u kontekstu resursa i vremena. Polaznici će biti upoznati sa konceptima i savremenim principima promišljanja vezano za pripremu, organizaciju i realizaciju procesa pregovora, te će usvojiti obrasce ponašanja za minimiziranje stresa i optimizaciju vremena sa ciljem unapređenja uspješnosti u realizaciji ključnih pregovaračkih aktivnosti. **Predavači na edukaciji** su prof.dr. Elvir Čizmić i prof.dr. Venan Hadžiselimović, koji imaju značajne predavačke kompetencije ali i praktične iskustvene vještine vezane za poslovno odlučivanje i proces pregovaranja koje će nesebično podijeliti sa polaznicima.

Prof.dr. Elvir Čizmić



Doktor ekonomskih nauka. Redovni profesor na Ekonomskom fakultetu Univerziteta u Sarajevu. Polja profesionalnog interesovanja su: strateški menadžment, korporativno upravljanje, operacioni menadžment, preduzetništvo, menadžment ljudskim resursima, finansijski menadžment, upravljanje projektima, dizajniranje organizacije, poslovno odlučivanje i drugi aspekti ekonomskih i poslovnih nauka. Učestvovao je u realizaciji velikog broja domaćih i međunarodnih projekata usmjerenih na osnaživanje ekonomije, obrazovanja i preduzetništva u Bosni i Hercegovini, te realizirao nekoliko studijskih boravaka na inozemnim univerzitetima.

Posjeduje veliko praktično upravljačko iskustvo koje je stekao radeći u okviru ključnih organa upravljanja i kontrole vodećih korporacija i institucija u Bosni i Hercegovini. Autor je nekoliko knjiga iz oblasti organizacije i menadžmenta i preko 60 naučnih radova objavljenih u naučnim časopisima i zbornicima koji se referiraju na ključne međunarodne

baze podataka. Radio je kao konsultant za veliki broj kompanija i vladinih i nevladinih institucija, te učestvovao kao predavač na obukama i seminarima za profesionalno usavršavanje menadžmenta i zaposlenika u privatnom i javnom sektoru.

Prof.dr. Venan Hadžiselimović



Doktor ekonomskih nauka. Vanredni profesor na Ekonomskom fakultetu Univerziteta u Zenici za naučnu oblast menadžment i organizacija, te gostujući predavač na Ekonomskom fakultetu Univerziteta u Tuzli, Fakultetu za javnu upravu Univerziteta u Sarajevu i International Burch University Sarajevo. Polja profesionalnog interesovanja su: strateški menadžment, preduzetništvo, krizni menadžment, upravljanje projektima i kompenzacijski menadžment. Kao gostujući predavač, učestvovao je na brojnim edukacijama u Francuskoj i Bosni i Hercegovini, a redovno učestvuje i na naučnim konferencijama, seminarima i stručnim skupovima. Član je nekoliko naučnoistraživačkih timova na projektima, mentor kandidatima

na magistarskim i doktorskim studijima, te učestvuje u radu brojnih upravnih, nadzornih i organizacionih odbora, kao i biznis klubova. Član je Ekonomsko-socijalnog vijeća FBiH od 2022. godine. Autor je četiri knjige iz oblasti menadžmenta i marketinga te 20 naučnih radova i stručnih članaka. Uz akademski angažman, aktivan je i u poslovnom sektoru, sa više od 23 godine iskustva na rukovodećim pozicijama (marketing menadžer, izvršni direktor, generalni direktor). Trenutno obavlja funkciju generalnog direktora kompanije HIFA OIL d.o.o. Tešanj.

Za učešće na edukaciji je predviđena **kotizacija u iznosu od 351,00 KM** (cijena s uključenim PDV-om), a u cijenu je uključeno:

- pet (5) blokova predavanja po 60 minuta predavanja (ukupno 5 sati) + radionica
- radni materijali i pribor
- certifikat VTK/STK BiH o pohađanju škole
- ručak (1 dan) i osvježenje na pauzama (2 dana)
- networking mogućnosti za ostalim učesnicima

Prijava učešća na edukaciju se vrši opunjavanjem [online prijavnog obrasca](#). Krajnji rok za prijave je ponedjeljak, 24.02.2025. godine do 12.00 sati.

Zbog velikog interesovanja poslovne zajednice za edukacijama na temu poslovnog pregovaranja, preporučuje se blagovremena prijava. S ciljem osiguranja što bolje učinkovitosti i mogućnosti predavača da se kvalitetno posvete svim prisutnim učesnicima, broj učesnika na edukaciji je ograničen.

Više informacija o edukaciji možete dobiti putem e-mail adrese edukacija@komorabih.ba ili na broj telefona 033/566-204.





Program
„Priprema pregovaračkog procesa i upravljanje vremenom“
VTK/STK BiH, Sarajevo

Prvi dan, 27.02.2025.

Vrijeme	Aktivnost
10:30 – 11:00	Registracija polaznika
11:00 – 11:15	Pozdravna riječ Uvodno obraćanje Predstavljanje predavača i polaznika
11:15 – 12:15	Tema 1: Pojam, vrste poslovnih pregovora-distributivni vs integrativni pregovori
12:15 – 12:30	Pauza za kafu/osvježenje
12:30 – 13:30	Tema 2: Četiri ključna koncepta pregovora-stvaranje pretpostavki za pregovore
13:30 – 14:30	Pauza za ručak
14:30 – 15:30	Tema 3: Devet koraka kreiranja pogodbe-optimizacija pregovaračkih aktivnosti
Kraj 1. dana škole	

Drugi dan, 28.02.2025.

Vrijeme	Aktivnost
08:30 – 09:00	Registracija polaznika
09:00 – 10:00	Tema 4: Taktike pregovora-praktična aplikacija pregovaračkih vještina za stolom
10:00 – 10:15	Pauza za kafu/osvježenje
10:15 – 11:15	Tema 5: Upravljanje vremenom i kreativnost-unapređenje pregovaračkog procesa
11:15 – 12:00	Radionica: Šest Mislećih Šešira i pregovarački tim
Kraj 2. dana / Kraj škole	